

Adroddiad i'r: Pwyllgor Llywodraethu Corfforaethol

Dyddiad y Cyfarfod: 21 Mai 2014

Aelod / Swyddog Arweiniol: Barbara Smith - Aelod Arweiniol Moderneiddio.
Alan Smith - Pennaeth Gwella Busnes a Moderneiddio

Awdur yr Adroddiad: Alan Smith

Teitl: Adroddiad SIRO ar gyfer 2013/14

1. Am beth mae'r adroddiad yn sôn?

Mae'r adroddiad yn cwmpasu'r cyfnod o Ebrill 2013 i Mawrth 2014 ac yn rhoi manylion achosion o dorri'r ddeddf diogelu data gan y Cyngor sydd wedi bod yn destun ymchwiliad gan yr Uwch Swyddog Risg Gwybodaeth (SIRO). Mae hefyd yn ymdrin â chwynion am y Cyngor yn ymwneud â deddfwriaeth Rhyddid Gwybodaeth sydd wedi cael eu cyfeirio at y Comisiynydd Gwybodaeth, ac yn rhoi rhywfaint o wybodaeth am geisiadau Mynediad i Wybodaeth a wneir i'r Cyngor.

2. Beth yw'r rheswm dros wneud yr adroddiad hwn?

Mae Polisi Diogelu Data y Cyngor yn gofyn am adroddiad blynyddol ar gynnydd i'r Pwyllgor Llywodraethu Corfforaethol i ganiatáu'r Aelodau i oruchwylio'r broses.

3. Beth yw'r Argymhellion?

Dylai cynnwys yr adroddiad gael ei nodi gan y Pwyllgor.

4. Manylion am yr adroddiad.

Mae diffygion yn ein system rheoli gwybodaeth wedi bod yn risg i'r Cyngor am nifer o flynyddoedd. Mewn ymateb i hyn, mae dull newydd wedi cael ei roi ar waith, gan gynnwys penodi Rheolwr Gwybodaeth Gorfforaethol ac adolygu polisiâu allweddol, yn enwedig mewn perthynas â Diogelu Data a Mynediad at Wybodaeth. Yn dilyn yr adolygiadau hyn, mae'r Rheolwr Gwybodaeth Gorfforaethol wedi cyhoeddi ymagwedd strategol tuag at reoli gwybodaeth yn CSDd ac yn adrodd ar gynnydd i'r Pwyllgor Llywodraethu Corfforaethol yn rheolaidd.

Mae'r datblygiadau hyn wedi helpu i leihau'r risgiau a wynebir gan y Cyngor yn y maes hwn, i'r graddau bod y sgôr risg ar y gofrestr risg gorfforaethol wedi gostwng erbyn hyn. Rhan allweddol i'r gwelliannau fu datblygu gwell hyfforddiant, mwy o eglurder yn y systemau a ddefnyddiwn, a manwl gywirdeb wrth adrodd a rheoli gwybodaeth. Ochr yn ochr â'r Swyddog Diogelu Data, mae'r Uwch Swyddog Risg Gwybodaeth (SIRO) â chyfrifoldeb benodol i sicrhau bod yr wybodaeth a gedwir gan y Cyngor yn cael ei rheoli'n ddiogel, yn effeithiol ac yn unol â'r deddfwriaeth. Mae'r systemau a gynlluniwyd i sicrhau bod y rolau hyn yn cael eu gwneud yn dibynnu'n

Ilwyddiannus ar dryloywder ac agoredrwydd, felly mae'n arbennig o bwysig bod Aelodau'n cael trosolwg o'r broses.

Felly, mae'r adroddiad hwn yw rhan o'r 'busnes fel arfer' newydd, o ran ei fod yn ffurfio rhan o'r ymrwymïadau a wnaed ym mholisiâu Diogelu Data a Mynediad i Wybodaeth y Cyngor. Mae'r atodiadau felly â manylion rhai o'r camau gweithredu allweddol yn y maes hwn dros y flwyddyn hyd at 31 Mawrth, 2014, gan ganolbwyntio ar y toramodau Diogelu Data a adroddwyd i'r SIRO (atodiad A). Gwybodaeth arall sydd wedi'i gynnwys i roi gwybod i'r Aelodau: rhestr o gwynion a wnaed i'r Swyddfa Comisiynydd Gwybodaeth (ICO) am y Cyngor, a'r canlyniad (atodiad B); ystadegau yn ymwneud â derbyn ceisiadau Mynediad i Wybodaeth (Atodiad C) a thabl sy'n nodi'r anghydfodau sy'n cael eu trin gan y panel Mynediad i Wybodaeth a'r canlyniadau (Atodiad D).

Bydd Aelodau'n sylwi na fu unrhyw dor-amodau mawr o'r Ddeddf Diogelu Data gan y Cyngor yn y cyfnod hwn, er bod rhai wedi cael eu hystyried fel bod yn ddigon difrifol i roi gwybod i Swyddfa'r Comisiynydd Gwybodaeth. Un nodwedd gyffredin o lawer yw cyfeiriadau gwael ar lythyrau, fel bod gwybodaeth bersonol yn mynd i dderbynnydd anfwriadol. Gall hyfforddiant a gwell gweithdrefnau gwirio helpu i leihau y math hwn o gamgymeriad, ac yn y pen draw, bydd y defnydd cynyddol o systemau awtomatig yn lleihau hyn ymhellach. Mae'n werth nodi fodd bynnag, bod y Cyngor hyd yma wedi osgoi'r colledion sylweddol o wybodaeth bersonol sydd wedi dod i ran llawer o sefydliadau, yn aml gan ddod â chosbau sifil sylweddol. Fodd bynnag, y person sydd â'i ddata wedi cael ei golli neu ei ddatgelu'n anghywir yw'r gwir gollwr yn yr achosion hyn. Fel mae ymwybyddiaeth o hyn ymysg y staff yn cynyddu a'n systemau ar gyfer rheoli gwybodaeth yn gwella yn raddol, gobeithir bydd toramodau o'r fath yn dod yn fwy anghyffredin.

Bydd yr Aelodau hefyd yn nodi y nifer fawr iawn o geisiadau mynediad i wybodaeth a dderbyniwyd gan y Cyngor, yn enwedig o dan ddeddfwriaeth Rhyddid Gwybodaeth. Mae'r ceisiadau cyffredinol yn sefyll ar fwy na 90 y mis, llwyth gwaith sy'n cael ei reoli ar hyn o bryd gan un swyddog llawn amser yn y tîm canolog, ond mae'n cynnwys cryn dipyn o amser yn cael ei roi gan Swyddogion Rheoli Gwybodaeth a enwebwyd (IMOS) yn y Gwasanaethau. Mae'r ceisiadau hyn yn canolbwyntio ar rai meysydd yn fwy nag eraill. Y pum maes mwyaf cyffredin o ymholiadau dros y misoedd diwethaf oedd:

1. Angladdau Iechyd y Cyhoedd (ceisiadau gan fusnesau)
2. Trethi Busnes (ceisiadau gan fusnesau)
3. Treth Ystafell Wely (ceisiadau gan y cyfryngau, elusennau a grwpiau lobïo, gwleidyddion ac unigolion)
5. Eiddo Gwag (ceisiadau gan wleidyddion, y cyfryngau, busnesau, elusennau a grwpiau lobïo, ac unigolion)
6. Tai Cymdeithasol (ceisiadau gan y cyfryngau, elusennau a grwpiau lobïo, gwleidyddion ac unigolion)

Mae Atodiad D yn nodi ffynhonnell y ceisiadau Mynediad i Wybodaeth i'r Cyngor ar gyfer y flwyddyn yn ôl math y gofynnwr.

Mewn rhai achosion, cafodd penderfyniadau ynglŷn â mynediad i wybodaeth eu herio gan y gofynnwr, neu nid oedd cytundeb yn fewnol ynghylch a ddylai gwybodaeth a gedwir gan y Cyngor gael ei rhyddhau ai peidio. Cafodd yr achosion hyn eu hadolygu gan Banel a gadeiriwyd gan y Pennaeth Gwasanaethau Cyfreithiol a Democrataidd. Cyfarfu'r panel naw gwaith yn ystod y flwyddyn ac adolygwyd 14 o achosion. Mae Atodiad E yn rhestr o'r rhain, ynghyd â chanlyniad pob adolygiad.

7. Sut mae'r penderfyniad yn cyfrannu at y Blaenoriaethau Corfforaethol?

Mae'r adroddiad hwn yn cefnogi amcan y Cyngor i foderneiddio, ond nid yw'n uniongyrchol gysylltiedig â blaenoriaeth gorfforaethol.

8. Beth fydd yn ei gostio a sut bydd yn effeithio ar wasanaethau eraill?

Nid oes unrhyw oblygiadau ariannol i'w hystyried.

9. Beth yw prif gasgliadau'r Asesiad o Effaith ar Gydraddoldeb a gynhaliwyd ar y penderfyniad? Dylai'r templed EqIA wedi'i lenwi fod ynghlwm fel atodiad i'r adroddiad.

Nid oes angen asesiad gan fod yr adroddiad hwn er gwybodaeth yn unig.

10. Pa ymgynghoriadau sydd wedi eu cynnal gyda'r Pwyllgor Archwilio ac eraill?

Dim, mae'r adroddiad er gwybodaeth yn unig.

11. Datganiad y Prif Swyddog Cyllid

Dim angen

12. Pa risgiau sydd ac a oes unrhyw beth y gallwn ei wneud i'w lleihau?

Mae camau gweithredu'r aelodau sy'n archwilio'r adroddiad hwn yn rhan o'r broses lliniaru o liniaru'r risg corfforaethol sy'n ymwneud â rheoli gwybodaeth.

13. Pŵer i wneud y Penderfyniad

Dim angen penderfyniad.